

DRUGA REBĪU-L-EVVELSKA HUTBA

(08. rebīu-l-evvel 1438. h.g.)

(08. decembar 2016. godine)

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ وَنَعُوذُ بِهِ مِنْ شُرُورِ أَنْفُسِنَا. مَنْ يَهْدِي اللَّهَ فَلَا مُضِلٌّ لَهُ وَمَنْ يُضْلِلُ فَلَا هَادِي لَهُ، وَأَشْهَدُ أَنَّ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَنَّ مُحَمَّداً عَبْدُهُ وَرَسُولُهُ، أَرْسَلَهُ بِالْحَقِّ بَشِيرًا وَنَذِيرًا بَيْنَ يَدَيِ الْأَسْعَاءِ مَنْ يُطِيعُ اللَّهَ وَرَسُولَهُ فَقَدْ رَشَدَ، وَمَنْ يَعْصِهَا فَقَدْ غَوَى، نَسْئَلُ اللَّهَ رَبَّنَا أَنْ يَجْعَلَنَا مِمَّنْ يُطِيعُهُ وَيُطِيعُ رَسُولَهُ، وَيَتَّبِعِ رِضْوَانَهُ وَيَجْتَنِبْ سَخَطَهُ فَإِنَّمَا تَحْنُّ بِهِ وَلَهُ.

وَأَشْهَدُ أَنَّ سَيِّدَنَا مُحَمَّداً عَبْدُهُ وَرَسُولُهُ أَرْسَلَهُ رَحْمَةً لِلْعَالَمَيْنَ، وَقُدْوَةً لِلْعَامِلَيْنَ، وَمَحَاجَةً لِلسَّالِكِيْنَ، وَحُجَّةً عَلَى الْعِبَادِ أَجْمَعِيْنَ، بَعَثَهُ لِلْإِيمَانِ مُنَادِيَا، وَإِلَى دَارِ الْسَّلَامِ دَاعِيَا، وَلِلْخَلِيقَةِ هَادِيَا، وَلِكِتابِهِ مُبَيِّنَا وَتَالِيَا، وَفِي مَرْضَاتِهِ سَاعِيَا، وَبِالْمَعْرُوفِ أَمْرَا وَعَنِ الْمُنْكَرِ نَاهِيَا.

أَرْسَلَهُ عَلَى فَتْرَةِ مِنَ الرُّسْلِ فَهَدَى بِهِ إِلَى أَوْضَحِ الْسَّبِيلِ، وَأَفْتَرَضَ طَاعَتُهُ وَمَحَبَّتُهُ، وَسَدَّ إِلَى الْجَنَّةِ كُلَّ طَرِيقٍ إِلَّا طَرِيقَتَهُ، وَهِيَ مُوصَدَةٌ إِلَّا عَلَى مَنْ كَانُوا لَهُ تَابِعِيْنَ.

دَعَا إِلَى اللَّهِ سِرًا وَجَهَارًا وَأَذَنَ بِذِلِّكَ بَيْنَ أَطْبُرِ الْأَمْمَةِ لَيْلًا وَنَهَارًا إِلَى أَنْ أَشْرَقَتْ شَمْسُ الْأَيَّامِ وَعَلَتْ كَيْمَةُ الْرَّحْمَانِ، وَبَطَّلَتْ دَعْوَةُ الشَّيْطَانِ وَآهَتَدَى كُلُّ حَيْزَنِ.

فَصَلَاوَاتُ اللَّهِ وَتَسْلِيمَاتُهُ عَلَيْهِ وَعَلَى آلِهِ وَاصْحَابِ الْصِّرَاطِ الْسَّوِيِّ، وَمَنِ آهَتَدَى.

وَقَالَ سُبْحَانُهُ وَتَعَالَى: فَأَمَّا الَّذِينَ آمَنُوا فَيَعْلَمُونَ أَنَّهُ الْحَقُّ مِنْ رَبِّهِمْ. وَلَا تَلِسُوا الْحَقَّ بِالْبَاطِلِ وَتَكْنُمُوا الْحَقَّ وَأَنْتُمْ تَعْلَمُونَ. وَقُلْ جَاءَ الْحَقُّ وَرَهَقَ الْبَاطِلُ، إِنَّ الْبَاطِلَ كَانَ رَهُوقًا. إِنَّا أَرْسَلْنَاكَ بِالْحَقِّ بَشِيرًا وَنَذِيرًا، وَإِنْ مِنْ أُمَّةٍ إِلَّا خَلَّ فِيهَا نَذِيرًا. صَدَقَ اللَّهُ الْعَظِيمُ.

Hvala Allahu!

Mi Allaha hvalimo, i pomoć od Njega očekujemo, i oprost od Njega molimo, i Njemu se obraćamo da nas sačuva od zla u nama i oko nas.

Mi znamo da onaj kojeg Allah okrene ka pravom putu niko ga ne može odvratiti od tog puta, a onaj koji naumi da ide krivim putem, niko ga, osim Allaha, ne može vratiti na pravi put.

Mi svjedočimo da nema boga osim Allaha, koji je Jedan i koji nema Sebi ravnog. I mi svjedočimo da je Muhammed Njegov pokornik i Njegov Poslanik, kojeg je On poslao s istinom kao nositelja i pronositelja radosne vijesti i vijesti koja opominje da je trenutak odgovornosti pred Allahom tu pred nama, pa onaj koji je pokoran Allahu i Njegovom Poslaniku, na pravom je putu, a onaj koji nije pokoran Allahu i Njegovom Poslaniku, na krivom je putu.

Mi molimo Allaha da budemo od onih koji su pokorni Allahu i Njegovom Poslaniku, koji teže Njegovom zadovoljstvu i izbjegavaju Njegovo nezadovoljstvo.

Mi smo svjesni da smo od Njega i Njegovi, On nas je stvorio i Njemu se svi vraćamo!

Svjedočim da je Muhammed Allahov pokornik i poslanik. Svevišnji Allah ga je poslao kao milost svjetovima, kao uzor djelatnicima, kao metod putnicima, kao dokaz svim pobožnim ljudima. Poslao ga da poziva u vjeru, da zove u kuću mira, da upućuje ljude na pravi put, da čita i objašnjava Knjigu, da potiče na Božije zadovoljstvo, da zapovijeda dobro i suzbija zlo. Poslao ga je nakon izvjesnog vremena od prijašnjih vjesnika i poslanika kako bi njegov put bio najjasniji put, kako bi mu Allah propisao da se njemu pokorava i njemu ljubav poklanja, kako bi, pored puta koji vodi u Džehennem, njegov put bio otvoren, put koji vodio u Džennet za one koji ga slijede. Pozivao je u vjeru i tajno i javno, i dopustio je da drugi u njegovo ime pozivaju u vjeru danju i noću sve dok sunce vjere sve ljude ne obasja, i dok se riječ Milostivog ne uzdigne na najviše visine, i dok se ne porazi šejtanov poziv, i dok se ne uputi na pravi put svaki skeptik. Neka je, zato, salavat i selam na njega, na njegovu porodicu i sve njegove ashabe koji su zajedno sa njim bili i ostali na pravom putu, kao i sve one koji su upućeni i koji upućuju na pravi put do Sudnjega Dana.

Draga braćo i sestre,

ovo je druga rebiu-l-evvelska hutba. Ovaj mjesec je mevludske mjesec, tj. mjesec u kojem se rodio posljednji Allahov vjesnik, poslanik i miljenik Muhammed (a.s.), prije 1446. godina. Najbolji način da razumijemo koliko je njegova vjesnička i poslanička misija bila važna je da ga uporedimo s drugim Božijim vjesnicima i poslanicima. To je za nas uradio veliki andaluzijski alim Muhammed el-Kurtubi, (umro 671/1272), u svojoj knjizi ﴿تَذَكِّرَةٌ بِالْمُوْرَّآتِ﴾ (*Sjećanje na drugi svijet*), u kojoj navodi predaju koja govori o jednom vrlo zanimljivom dijalogu, koji će se dogoditi na Sudnjem danu.

Naime, grupa grješnika doći će pred vrata Dženneta, ali joj neće biti dopušteno da uđe u Džennet osim sa blagoslovom šefā'ata. Tada će navedena grupa zamoliti Adema (a.s.) da im pokloni svoj šefā'at kod Allaha (dž.š.) kako bi im se otvorila džennetska vrata, ali će im Adem

odgovoriti: *Ja vam ne mogu pomoći, jer je Allah (dž.š.) danas ljut na mene kao nikada do sada zbog mog grijeha kojeg sam počinio u Džennetu. Savjetujem vam da se obratite Nuhu (a.s.). Možda će vam on pomoći.*

Kad dođoše kod Nuha (a.s.) sa istom molbom, on im reče: *Nazalost, ja vam ne mogu pomoći zato što sam izazivao proklestvo na svoj narod i tako im ubio nadu u Allahovu milost. Preporučujem vam da odete kod Ibrahima (a.s.). Možda kod njega nađete to što tražite.*

Kad svoj problem iznesoše Ibrahimu (a.s.), on im reče: *I meni je oduzeto pravo šefā'ata zato što sam javno izrekao laž. Podite kod Musa (a.s.). Možda on ima tu privilegiju kod Allaha.*

Kada rekoše Musau (a.s.) da mole za njegov šefā'at, on im reče: *Allah je i na mene ljut danas kao nikada do sada zato što sam ubio čovjeka na bi-gajri hakk, tj., bespravno. Idite kod Isa (a.s.). Nadati se je da će vam on pomoći.*

Kada se obratiše Isa (a.s.), on ih pogleda sa žaljenjem i reče: *Ja sam, vjerovatno, nehotice dao povoda da me neki ljudi uzimaju kao božanstvo i zato je Allah na mene danas ljut kao nikada do sada.*

Na kraju im je ostalo da se obrate posljednjem Allahovom poslaniku Muhammedu (a.s.), koji je za razliku od svih imao samo jednu želju kod Allaha, a to je da ima pravo i privilegiju šefā'ata za svoj ummet, što mu je, na našu radost i sreću, udovoljeno. Zauzvrat mi njemu dugujemo salavat i selam u svako vrijeme i na svakom mjestu, i zato neka je salavat i selam na njega i na sve one koji ga slijede.

Nije teško razumjeti zašto je Muhammed (a.s.) dobio privilegiju šefā'ata za svoj ummet.

On je shvatio pouku iz Ademovih grijeha, pa nije prelazio zabranjenu granicu.

On nije proklinjao, već je blagosiljao svoj narod; nije širio očaj kod ljudi, već im je pružao nadu u spas.

On nije nikada i ni pred kim lagao, već je istinu govorio svakome, i onome kojem se ona dopada i onome kojem se ne dopada.

Njega ništa nije moglo isprovocirati da bi ubio čovjeka na *bi-gajri hakk*, pa makar se radilo i o njegovom ljutom neprijatelju.

Muhammed (a.s.) nije nikada nikome pokazao nijednim svojim postupkom nešto što bi ljudima dalo povoda da ga smatraju nečim višim i nečim drugačijim od njegove ljudske naravi i njegove ljudske sudbine na Ovome i Drugome svijetu.

On nije dopustio da se njegov lik kleše u kamenu, niti da se njegovom slikom maše po ulicama.

Muhammed (a.s.) je bio čovjek i Allahov vjesnik i poslanik koji je živio ljudski život sa svim njegovim radostima i žalostima, nadama i tugama, pobjedama i porazima, pohvalama i pogrdama, u ratu i u miru, te sa pjesmama ljubavi Ensarija u Medini i sa kamenicama mržnje Sekifljana u Taifu.

U svim životno-ljudskim stanjima Muhammed (a.s.) je bio isti – čvrst, ponosan, uspravan i dostojanstven, jer je sa istinom u duši imao zdravo mentalno stanje i sa pravdom u ruci donio je mir i sigurnost višeslojnoj zajednici u Medini. Za razliku od drugih Božijih vjesnika i poslanika, Muhammed (a.s.) je svoj ummet stavljao ispred sebe. Jer saznajemo da dok će drugi govoriti نَفْسِي نَفْسِي, tj. neka se počne sa mojom nagradom prije mog ummeta, jer moj *tâ'at* je prethodio mom ummetu, Muhammed (a.s.) će govoriti أَمَّتِي أَمَّتِي, tj. neka se počne sa mojim ummetom prije mene, jer moja radost je da vidim ispred sebe moj ummet kako je sretan, zadovoljan i nagrađen.

On se radovao lijepom dočeku Ensarija i tugovao zbog ružnog dočeka Sekifljana. Svoju radost u Medini Muhammed (a.s.) podijelio je sa svim stanovnicima - jevrejima i kršćanima i pozvao ih da zajednički, na principima istine, pravde i mira, uspostave zajednicu sretnih i zadovoljnih ljudi bez obzira na vjeru, jer im je rekao لَكُمْ دِينُكُمْ وَلِيَ دِينِ - *Neka je vama vaša, a meni moja vjera.*

No, svoju tugu iz Taifa nije imao ni sa kim podijeliti, osim sa Onim koji ga je, uistinu, poslao i sa istinom osposobio da bude hrabar i da ne gubi nadu. Znajući da je njegova snaga baš u tome, on Mu se i obratio riječima:

اللَّهُمَّ إِلَيْكَ أَشْكُو ضُعْفَ قُوَّتِي، وَقِلَّةَ حِيلَانِي، وَهَوَانِي عَلَى النَّاسِ، يَا أَرْحَمَ الْرَّحِيمِينَ، أَنْتَ رَبُّ الْمُسْتَضْعَفِينَ، وَأَنْتَ رَبِّي، إِلَى مَنْ تَكْلُنِي؟

إِلَى بَعِيدٍ يَتَجَهُمُنِي؟ أَمْ إِلَى عَدُوٍّ مَلْكُهُ أَمْرِي؟ إِنْ لَمْ يَكُنْ بِكَ عَلَيَّ غَضَبٌ فَلَا أَبَالِي، وَلَكِنْ عَافِيَّتُكَ هِيَ أَوْسَعُ لِي، أَعُوذُ بِنُورِ وَجْهِكَ الَّذِي أَشْرَقْتُ لَهُ الظُّلُمَاتُ، وَصَلَحَ عَلَيْهِ أَمْرُ الدَّنَيَا وَالآخِرَةِ مِنْ أَنْ تَنْزِلَ بِي غَضَبُكَ، أَوْ يَحْلُّ عَلَيَّ سَخْطُكَ، لَكَ الْغُلْبَى حَتَّى تَرْضَى، وَلَا حَوْلَ وَلَا قُوَّةَ إِلَّا بِكَ.

- *Moj Allahu, tugu sviju sa Tobom dijelim zbog slabosti moje snage, zbog manjkavosti moje moći i zbog poniženja pred ljudima, o Najmilostiviji. Ti si Gospodar potlačenih. Ti si moj Gospodar. Kome me prepustaš? Onome koji me dočekuje namrštenog lica? Ili neprijatelju kojem si dao da vlada mojom sudbinom? No, ako nisam zaradio Tvoju srdžbu, ja ne brinem, jer Tvoja milost je za mene najvažnija. Utječem se svjetlu Tvojega lica što razgoni tamu, svjetlu kojim je obasjan i Ovaj i Onaj svijet, kako me ne bi zadesila Tvoj srdžba ili pogodio Tvoj gnjev. Moj Allahu, ja kod Tebe tražim utočište radi Tvojog zadovoljstva, jer nema ni sile ni moći nad Tvojom silom i Tvojom moći.*

Zar ima snažnije, važnije i jasnije poruke za nas danas i ovdje u našoj Bosni od ove Alejhisselamove poruke?!

Svemogući Allahu, osnaži nas da dostoјno i časno slijedimo put Božijeg vjesnika i poslanika, kojeg si ti poslao iz Tvoje milosti prema svim svjetovima!

Sveznajući Allahu, pouči nas da znamo razlikovati istinu od neistine i pravdu od krivde!

Milostivi Allahu, omili nam Tvog Miljenika tako da nam na Sudnjem danu bude šefā‘adžija, jer mi imamo puno grijeha koje nismo u stanju očistiti bez njegovog šefā‘ata!

Amin!

أَلَا إِنَّ أَحْسَنَ الْكَلَامَ وَأَبْلَغَ النِّظَامَ كَلَامُ اللَّهِ الْمَلِكِ الْعَزِيزِ الْعَلَامِ.

كَمَا قَالَ اللَّهُ تَبَارَكَ وَتَعَالَى فِي نَطْمِ الْكَلَامِ: "وَإِذَا قِرَأَ الْقُرْآنَ فَاسْتَمِعُوا لَهُ وَأَنْصِتُوا لَعَلَّكُمْ تُرَحَّمُونَ".

أَعُوذُ بِاللَّهِ مِنَ الشَّيْطَانِ الرَّجِيمِ. بِسْمِ اللَّهِ الرَّحْمَنِ الرَّحِيمِ:

[جُلوسٌ]

{بَارَكَ اللَّهُ لَنَا وَلَكُمْ وَلِسَائِرِ الْمُؤْمِنِينَ وَالْمُؤْمِنَاتِ وَالْمُسْلِمِينَ وَالْمُسْلِمَاتِ الْأَحْيَاءِ مِنْهُمْ وَالْأَمْوَاتِ بِرَحْمَتِكَ يَا أَرْحَمَ الْرَّاحِمِينَ}.

الْخُطْبَةُ الْثَانِيَةُ

الْحَمْدُ لِلَّهِ حَمْدَ الْكَامِلِينَ. وَالصَّلَاةُ وَالسَّلَامُ عَلَى رَسُولِنَا مُحَمَّدٍ وَآلِهِ وَصَحْبِهِ أَجْمَعِينَ. تَعْظِيْمًا لِنَبِيِّهِ وَتَكْرِيْمًا لِفَخَامِيْةِ شَانِ شَرْفِ صَفِيِّهِ. فَقَالَ عَزَّ وَجَلَّ مِنْ قَائِلِ مُخْبِرًا وَأَمْرًا: "إِنَّ اللَّهَ وَمَلَائِكَتَهُ يُصَلِّوْنَ عَلَى الْبَيِّنِيْا يَا أَيُّهَا الَّذِيْنَ آمَنُوا صَلُوْا عَلَيْهِ وَسَلِّمُوا تَسْلِيْمًا".

اللَّهُمَّ صَلِّ عَلَى مُحَمَّدٍ، وَعَلَى آلِ مُحَمَّدٍ، كَمَا صَلَّيْتَ عَلَى إِبْرَاهِيْمَ، وَعَلَى آلِ إِبْرَاهِيْمَ، إِنَّكَ حَمِيدٌ مَجِيدٌ، وَبَارِكْ عَلَى مُحَمَّدٍ، وَعَلَى آلِ مُحَمَّدٍ، كَمَا بَارَكْتَ عَلَى إِبْرَاهِيْمَ، وَعَلَى آلِ إِبْرَاهِيْمَ، فِي الْعَالَمَيْنِ إِنَّكَ حَمِيدٌ مَجِيدٌ.

اللَّهُمَّ ارْفِعْ مَقْتَلَكَ وَغَضَبَكَ عَنَّا وَلَا تُؤَاخِذْنَا بِمَا فَعَلَ السُّفَهَاءُ مِنَا وَلَا تُسْلِطْ عَلَيْنَا بِدُنُوبِنَا مَنْ لَا يَخَافُكَ وَلَا يَخْشَاكَ وَلَا يَرْحَمُنَا اللَّهُمَّ طَهِّرْ قُلُوبَنَا وَأَكْشِفْ كُرُوبَنَا وَتَوَلَّنَا بِالْحُسْنَى وَآجْمَعْ لَنَا خَيْرَ الْآخِرَةِ وَأَلْأُولَى اللَّهُمَّ أَصْلِحْ أَخْوَالَنَا اللَّهُمَّ أَلْفُ بَيْنَ قُلُوبِنَا اللَّهُمَّ آخْتِمْ بِالْبَاقِيَاتِ الْصَّالِحَاتِ أَعْمَالَنَا اللَّهُمَّ بِرَحْمَتِكَ الْوَاسِعَةِ عَمِّنَا!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَا عَنِ الْفَحْشَاءِ وَالْمُنْكَرِ وَالْبَغْيِ، يَعِظُكُمْ لَعَلَّكُمْ تَذَكَّرُونَ!